

十一月二十一日

至聖我等宰后聖母永貞瑪利亞進堂瞻禮

大抵暮課

誦聖詠第一百零三章及大聯禱畢。若遇瞻禮七晚。則誦聖
詠第一全分。若遇他日。則唱聖詠第一分之首一段。即福哉
弗趨云。云誦小聯禱。又唱主歎我呼籲爾。云及唱讚詞八
段。

第一調

聖詠一句。主歎我自深淵呼籲爾。主歎聆我聲。
我衆誠信者。今宜入謳會。以聖詠歌頌讚揚主。並恭敬其聖行幕。
及包涵不可容。聖言者賦靈之龕。伊被超性之嬰導至上上帝。而大
司祭首咂哈利亞。以喜悅接納之。實為上帝之居所。

又一句願爾耳。聽我之禱聲。

我衆誠信者。

云同上

又一句主歟。若究察罪惡。主歟。則孰能立。第爾施赦宥。

今我等上帝合利斯托斯聖榮之靈堂。獨一至潔諸女中滿被讚揚者。被引至屬法律之堂。為居於聖所內。伊鄂阿乞木及按納偕之心發歡暢。諸童貞萃集歌頌主。且以聖詠讚揚其聖母。

又一句願人敬畏於爾前。我望主。我靈望主。冀望主言。我靈候主。童貞上帝之母歟。爾乃諸先知之預言。諸宗徒之榮福。諸致命者之褒美。諸在地者之修飾。蓋藉爾我眾和睦於上帝。故我衆恭賀爾入主之堂。並藉爾轉達獲拯救者。偕天神以歌頌向爾至潔者。

願曰慶哉。

讚詞 第四調

又一句踰於更漏之待旦。踰於更漏之待旦。願伊斯拉伊泐冀望主。

至聖無玷者。依聖神居聖所。而由天神獲食。並以己為我等至聖上帝至聖之堂。蓋主入居其內而成聖萬物。及以人墮落之性體結合於上帝。

又一句蓋宏恩在主。大援亦屬之。伊將救伊斯拉伊泐脫離諸罪惡。

至聖無玷者。依聖神居聖所。

云同上

又一句萬民爾曹宜讚揚主。眾族爾曹當尊榮之。

諸童貞女。今以欣悅持燭趨於靈燭前。恭敬導之入聖所。藉此表顯由伊將發莫測之光。必以聖神光照坐於黑暗之無知者。又一句蓋其所施於我儕之恩慈大矣。主之真實永存。

極被讚揚之按納曾曰。啞哈利亞歟。以喜領納上帝之諸先知感於聖神所預言者。引其進聖堂育於其內。為成為萬物主之聖寶座及殿及榻及光所。

榮光云自今云第八調

聖聘女宰后歟。爾誕生後入主堂。因係被成聖者。欲受養於至聖所。其時憂烏利伊泐亦被遣至爾無玷者。及予爾以食。眾天軍俱覩聖神居於爾而詫異。故求於天上地下滿被讚揚無玷弗汚童貞上帝母。救我等世代。

小入

聖榮及永生遐福云

誦本日提綱

出耶吉撒特紀

主諭摩伊些乙曰。正月元旦爾須支柱為證之幕。以約犢安設其中。以帷遮蔽約犢。昇案入內。再持燭臺入。復以焚香之金爐設於約犢之前。以簾懸於會幕之門。以膏傳幕及其中所有之器具。成聖幕及隨幕之一切器具。使其為聖。成聖祭臺。使之為至聖所。摩伊些乙即遵主所諭而行。當時雲蔽蓋會幕。主之榮光充滿其幕。摩伊些乙遂不能入幕。因雲在幕上。主之榮光充滿之。

歷代紀下

莎羅孟建主堂工竣時。召集伊斯拉伊泐諸族長於耶魯薩利木。為自達微德城即錫翁城移主之約犢。司祭等以主之約犢與會幕及其內一切聖器皆昇。王及伊斯拉伊泐會眾同於約犢前行。司祭昇主約犢至豫備所在。即後堂至聖所。叶魯微木之翼下。因叶魯微木向犢張翼於其上。遮蔽犢及昇犢之杠。犢中除二石板

外別無他物。此石板乃摩伊些乙在合列烏山。主與之立約時。置於其中。諸司祭由聖所出。有雲充滿主殿。諸司祭因有雲不能侍立奉事。蓋主之榮耀充滿主堂。

先知耶穀乞伊泐預言

主如是曰。自第八日後。諸司祭須於臺上獻爾儕之燔祭。及爾儕酬恩之祭。我必矜憐爾等。此乃主上帝所言。伊復引我回至聖所之外東門。其門關閉。主謂我曰。此門須關閉。毋開啟。無人可入。因主伊斯拉伊泐之上帝。將經過之。而必關閉。因其為君可以坐於其中。於主面前食餅。其入必由此門之廊而入。亦必由此道而出。伊復引我入北門至堂前。我觀望主之榮光充滿主殿。

重聯禱

祈主賜我無罪而度此宵

云云

增聯禱
利提亞之讚詞第一調

今因上帝行極大極榮之事。願天欣喜。雲降歡悅。蓋向東之門由荒胎無嗣者。依允許而生。及為上帝居所而獻者。今被導至堂如獻無玷之禮。願達微德。以喜鼓琴。彼曾曰。其被引於君前。從後有陪伴之童女。引於爾面前云。伊今被引於上帝堂。至聖所內受養。為諸世前莫測。由父所生。救我等靈者之居所。

第四調

聖母乃包涵上帝之堂。今被引至於主堂。啞哈利亞接受之。至聖所欣喜。天軍隱然悅樂。我眾今宜同其慶賀。並偕憂烏利伊泐呼籲曰。慶哉滿被聖寵者。施宏恩之主與爾偕焉。

第四調

請眾誠信之人讚美獨一無玷先知所預言及今被引入堂者。伊乃諸世前預定為母。而末世顯為上帝之母。求主藉其代祈賜安和及宏恩於我眾。

榮光云云自今云云第五調

今乃喜悅曰。至尊瞻禮期。於產生前產生後係童貞者今被引導至主堂。前驅之父耆老啞哈利亞喜悅。以欣忭呼籲曰。憂鬱者之轉達以聖而進至聖堂。為被獻為萬物君之居所。願祖伊鄂阿乞木欣喜。按納歡樂。因其以三歲童女攜至為無玷之宰后。諸母當與之偕喜。諸童女應鼓舞。諸胎荒者宜踴躍。因預定之宰后為爾儕啟天國。大眾宜欣喜歡樂。

誦利提亞聯禱畢唱

讚詞第五調

天與地因見賦靈之天獨一無玷童貞女往上帝室。為於彼肅敬養育而欣喜。啞哈利亞奇異而向之籲曰。主之門乎。我為爾啟聖堂之門。爾以喜樂於彼往來。我知且信伊斯拉伊泐之救贖已明顯。爾將生施宏恩於普世之上帝聖言。

又一句被引於君前。從後有陪伴之童女。引於爾面前。

按納聖籠誠為上帝之聖籠。以喜樂引滿被聖籠至潔永貞者入主堂。請童貞等持燭前行。且曰。吾女往哉。願以爾為我等所獻之禮物及芸香。而獻在賜爾於我等者。入人不可入之所。宜識奧祕而自備為施。宏恩於普世。伊伊蘇斯所喜悅。華美之寶藏。又一句伊等被引以歡欣踴躍。而入於君殿。

涵上帝之堂即至聖童貞女。入居上帝堂內。諸童貞女持燭前行。尊榮二親喜悅。伊鄂阿乞木及按納快樂。因伊產產造萬物者。伊

係無玷者。以喜樂往來於堂簾。由天神之手獲食。而顯為施宏恩。於普世合利斯托斯之母。

榮光云云自今云云

第六調

請諸誠信者之會。今集聚衷情慶忭。及肅敬讚美諸世前所預選為合利斯托斯上帝君之居所。即今被攜引至主堂之聖母童貞女。他眾童女應手執燭趨前。敬讚聖母永童貞女之尊進。爾等當除去憂愁。以喜樂隨從將來之上帝母。及普世所喜之轉達。故我衆以欣喜偕天神呼籲於被讚揚者。及常為我靈祈禱者曰慶哉。吾主據爾言云云聖三祝文。至聖三者云云在天我等父云云

小讚詞第四調

今上帝恩澤預顯且傳世人之救贖云云三次

又成聖餅之禮儀 及
願主之名被祝讚。自今至恒久。三次
又誦六章聖詠

嚮晨課

誦六章聖詠及大聯禱畢 唱

主上帝顯現於我等中。以主名來者。實已滿被讚揚。四次

小讚詞第四調

今上帝恩澤預顯。且傳世人之救贖。聖女顯現於上帝堂。並向眾預傳合利斯托斯我等向伊朗頌曰。慶哉於爾完全造物主之司理。三次

誦按本日之聖詠一分 小聯禱

坐誦之詞第一調

養育我等生命者。係伊鄂阿乞木及按納胎果。以稚弱之體被導至聖所獻於上帝。司祭啞哈利亞降福之。而我眾秉信宜讚美其為主之母。

榮光 云 云 自今 云

養育我等生命者 云 同上

又誦聖詠一分 小聯禱

坐誦之詞第四調

至潔者歟。未孕爾先。即被許獻於上帝。產爾後。為依爾父母之誓願。獻爾為上帝之禮物。自幼時偕光燭。被導至上帝之堂。而爾如真上帝之堂。為不可至上帝光之寶藏。獨一聖聘永貞女。爾進堂誠哉大矣。

榮光 云 云 自今 云

至潔者歟。未孕爾先 云 同上

唱聖詠第一百三十五章。及一百三十六章

又唱讚美詞

我等讚美爾上帝所選之至潔童貞女。且讚榮爾進主堂之蹟。

又一句主係至大。宜受讚揚於我儕上帝之城。於伊之聖山。

又一句乃普地之喜樂。

又一句上帝之城歟。以爾光榮之事所傳。

又一句我儕如昔所聞者。今則得見之。

又一句於天軍之主之城。即我儕上帝之城。

又一句上帝將起而堅固之至永遠。

又一句至上者之聖居。

又一句有光榮及威嚴於其面前。

又一句爾聖堂之美富。

又一句此乃主之門。義者必入。

又一句后立於爾之右。

又一句妝以黃金。

又一句民中之殷富者將祈於爾面。

又一句諸王之女列於爾貴賓中。

又一句君女之榮華皆係在內。

又一句其服以金為綉衣彩服。

又一句被引於君前。從後有陪伴之童女引於爾面前。

又一句伊等被引以戲欣踴躍而入於君殿。

又一句處女歟爾當聽之觀之側爾之耳。

又一句當忘爾之民及爾之父家。

又一句君將慕爾之美麗。

又一句我將使爾名萬世弗忘。

又一句上帝歟我儕恩爾恩於爾之堂中。

又一句是以諸邦將讚揚爾直至永遠。

自今云云

每句後唱讚美詞

阿利魯伊亞。阿利魯伊亞。阿利魯伊亞。讚揚爾上帝。三次

又唱讚美詞

小聯禱

坐誦之詞第八調

願著聖詠之達微德喜悅。願伊鄂阿乞木及按納快樂。因由伊等生出聖果。即施光上帝之燭瑪利亞。彼喜悅進堂。瓦拉吸亞之子見之降福。因悅樂籲曰。慶哉普世之奇蹟。

榮光云自今云

願著聖詠之達微德喜悅云同上

品第詞第四調

自我幼時私情多與我相爭。求救我者躬親保護救我。二次願凡疾錫翁者。於主而承羞。伊如草將以火而枯萎。二次

榮光云云

凡靈魂藉聖神得生活。藉潔德而上升。藉聖三之一蒙光照。識聖奧祕。

自今云同上

提綱第四調

處女歟。爾當聽之觀之。側爾之耳。又一句我心涌發良言。我曰我所歌係君。

誦魯喀福音經

當時瑪利亞速起赴山境。往伊屋達邑。入啞哈利亞室致候耶利薩韋特。耶利薩韋特甫聞瑪利亞致候。遂覺胎孕踴躍。乃滿被聖神寵照。遂揚聲曰。女中爾為讚美。爾胎之果。並為讚美。何福得吾主之母臨幸我。蓋爾致候之聲甫入我耳。而胎孕喜躍。能信者實有福。因主所與言者必應也。瑪利亞曰。我靈惟感頌主。我心惟悅上帝救我者。因其垂顧婢之卑微。今後諸代必將稱我為福。以其全能舉我於高位。厥名乃聖。瑪利亞同居約三月乃歸。

聖母進堂讚詞

嚮晨課

大

又誦聖詠第五十章

榮光云云讚詞第二調

今大君賦靈之堂入於聖堂。係為自備上帝之居處。眾宜喜樂。
自今云云同上

上帝歟。因爾大仁慈。矜憐我。以大憐惠刪除我諸愆尤。

讚詞第四調

聖母乃包涵上帝之堂。今被引至於主堂。啞哈利亞接受之。至聖所欣喜。天軍隱然悅樂。我眾今宜同其慶賀。並偕憂烏利伊泐呼籲曰。慶哉滿被聖寵者。施宏恩之主與爾偕焉。

輔祭誦

祈主救爾之民。並賜福於爾之嗣業。云云

朗誦

特恃爾獨一子之慈憐。云云

頌譜

共二一第四調。係碣鄂兜吉所作。二第一調。係瓦錫利所作。每歌頌有兩首詞。各唱兩次。其他詞共十二段。

歌頌之一

首詞

我開口。即滿被聖寵。吐詞向宰后聖母。而我將暢慶。且欣忭讚頌聖母進堂之蹟。二次

祈至聖母救我等

至潔者歟。我眾識爾為智慧之寶藏。及永流聖寵之泉源。求宰后者。以爾智慧之滴。滴注於我等。為我等克永歌頌爾。祈至聖母救我等

聖母進堂讚詞

嚮晨課

九

至潔者歟。爾為超諸天之堂及殿。被導入上帝之堂。為自備主降生時為其聖居處。

禱至聖母救我等

發寵光之聖母。光照於眾。使之萃集。為以歌頌讚美其至榮之禮期。故請眾往就聖母。

禱至聖母救我等
至榮莫測之門。曾啟上帝堂之門。今鼓舞我等集聚之人。樂享伊之大奇蹟。

又首詞

請眾以凱歌讚頌。以權能堅臂行奇妙奇蹟而救。イスラ伊泐之上帝。緣其赫著矣。二次

禱至聖母救我等

請眾今眾集以歌頌讚美聖母。並慶賀其神靈之禮期。因其被導至聖堂。如獻於上帝之禮物。

禱至聖母救我等

請眾以歌頌讚美聖母之榮進堂。因伊以己為上帝之堂。合符先知之預言。被導至聖堂如尊貴之禮物。

禱至聖母救我等

無玷之按納。引爾入聖堂。如獻尊貴禮物於上帝。因係為母者乃喜悅。並伊鄂阿乞木亦偕之慶幸。

禱至聖母救我等

聖聰女歟。昔列祖達微德讚美爾之時。稱爾為君。合利斯托斯之女。而爾產伊後。育之如母。育子然。禱至聖母救我等

三齡之聖母被導至主。而上帝之司祭啞哈利亞歡然接受之。使居於聖堂。

祈至聖母救我等。

今諸持燭之童貞女宜為謳會。諸為母者宜唱歌。而讚美入合利斯托斯主宰堂之宰后聖母。

榮光云云

一體之聖三曰聖父聖言及聖神。我眾以誠信讚揚爾係造萬物者。並以虔敬向爾籲曰。求上帝救我等。

自今云云

至潔者歟。肖爾血著赭衣之上帝主宰出於爾。而以宏慈復新人類。

合頌詞

合利斯托斯甫生歟。眾宜讚榮。合利斯托斯降自天。眾宜奉迓。合利斯托斯已在地。眾宜騰歡。普世宜歌頌於主。眾應歡樂而讚頌之。緣其赫著矣。

歌頌之三

首詞

聖母乃永活不竭之泉。以聖寵堅固爾膚體而觀禮者。緣爾尊進堂賜伊等榮冠。二次

祈至聖母救我等。

今聖堂為至美聖聘女之寶藏。及童貞女之宮。因領受至潔無玷光超萬物賦靈上帝之殿。

祈至聖母救我等。

達微德以唱歌偕我等快樂慶賀。及稱爾至潔者為衣彩衣之宰

聖母進堂讚詞

嚮晨課

三

后顯現於聖堂上帝主宰面前。

祈至聖母救我等

今被導入上帝堂之聖母殿。昔因婦而露眾人罪之端。今藉女萌救贖及常生。

祈至聖母救我等

至潔者歟。天神軍及眾會喜悅。而今持燭於爾面導引。宣揚爾在上帝室之位。

又首詞

建穹蒼於水面。定地於水上之全能上帝合利斯托斯。欲我心獲堅以承順爾旨。二次

祈至聖母救我等

我衆喜慶賀者宜慶此我等上帝母及君女之禮期。並由衷懷快

樂。

祈至聖母救我等

今伊鄂阿乞木宜快樂。按納以心喜悅。導至獻於上帝。爾等所生三齡童女如至潔無玷之牲犧。

祈至聖母救我等

按肉軀論為三歲。聖母瑪利亞係上帝之居所。被導至於聖堂。而諸女持燭前引。

祈至聖母救我等

上帝無玷之牝羔至潔之雌鴿。包涵上帝之帷帳。聖榮之聖器。欲居於聖堂。

祈至聖母救我等

按肉軀論為三歲。按靈魂論為萬壽。較天寬宏。超諸天軍之聖聘。

女。宜受歌頌之讚美。

祈至聖母救我等

我眾今宜慶賀聖母入聖堂之禁所者而快樂。並內秉靈燭。偕諸童女入聖堂。

祈至聖母救我等

上帝之諸司祭歟。爾宜藉聖寵服以義德。以慶賀接受上帝主宰之女。啟其所入之聖所。

榮光 云

聖父係光。其子亦係光。撫卹之神亦為光。蓋聖三者如由一日發光。光照保護我等之靈。

自今 云

至潔者歟。諸先知預言爾為聖檳金爐燭檠聖案。而我眾讚揚爾

為包涵上帝之幕。

合頌詞

我等向諸世前。由父不可測所生之子。及後世由童貞潔孕而生之上帝合利斯托斯。願曰。舉升我等品位之主。係成聖者。

小聯禱

坐誦之詞第四調

達微德歟。求闡我等昔聖詠內所讚美聖童女之禮期係何意。爾曾言曰。被引於君前。從後有陪伴之童女。引於爾面前云。緣此禮期為普世俱慶幸者。而我眾願曰。聖母係拯救之轉達。顯現於我等。

榮光 云 自今 云

無玷牝羔不汚之宮。即聖母瑪利亞喜樂尊榮被導至主堂。諸天

神隨從護衛之。諸誠信者永讚美感謝之。朗聲不絕歌頌曰。至無玷者爾乃我等榮福及拯救。

歌頌之四

首詞

至上者歟先知阿瓦庫木預覲上帝為爾由童貞降生不可測之旨。願曰主歟讚榮爾能力二次

祈至聖母救我等

上帝之堂今因領受不能經過之門法律之禮儀斷絕乃宣揚曰誠哉公義顯現於人矣。

祈至聖母救我等

昔阿瓦庫木預見覆蔭之山乃今入聖堂禁所者之預像伊實發顯明德且覆冒全地。

祈至聖母救我等
全地及人類宜觀極榮超性奇妙之事何以處女由天神受食以己身顯上帝之料理。

祈至聖母救我等

上帝主宰之聖聘女爾為堂為殿為賦靈之天者今被獻於屬法律之堂為儲至潔者於上帝。

又首詞

先知阿瓦庫木以靈預見聖言將受人體宣言曰至年爾必被識至時爾必顯出主歟讚榮爾能力二次

祈至聖母救我等

求先知伊薩伊亞明示我等此胎孕之童貞為誰其乃伊屋達根之支派達微德王之苗裔為其聖裔之榮果。

請諸女啟口持燭而倡歌。偕我等慶賀欲入上帝聖堂至潔聖母奇妙之行程。

祈至聖母救我等

伊鄂阿乞木及按納今宜歡欣。因爾所生三齡之童女將來為上帝合利斯托斯萬物主宰至潔之母。今導至聖堂獻於主。

祈至聖母救我等

至尊童貞女乃超諸聖者願居於聖堂此時與天神交談爾乃养育生命者以奇妙自天受食。

祈至聖母救我等

伊鄂阿乞木及按納出乎意外而生至潔之女誓願獻於上帝且今引伊等所生者如祭禮至上帝之堂為遵其所許之願。

祈至聖母救我等

至潔者歟昔瓦微隆之杖萌藥而藉此預像爾聖誕生爾將無夫胎孕存守無損產後係童貞爾所育哺之嬰係萬物之上帝。

祈至聖母救我等

請諸為女者以虔誠集就聖女諸為母者集就其母偕我眾讚美被生產者係無玷之祭並生產者係以其胎果獻於上帝而共相慶賀之。

榮光云

我眾宜以虔誠讚揚三位一體之真上帝諸品天神及差役首等讚頌之為萬物之主宰而我眾宜秉信永叩拜之。

自今云

求至聖至潔者代祈不絕爾所生之子及上帝救援爾僕於諸魔

之網罟。及我等一切所遇之誘惑。

合頌詞。

合利斯托斯歟。爾自耶些根生枝華。由童貞而出。極被讚揚無形體之上。上帝爾由婚而不媾。降生如由林蔭之山而至。主歟讚榮爾能力。

歌頌之五

首詞

婚而不媾。童貞聖女歟。萬物見爾尊進堂而驚異。緣爾乃至潔之堂。入上帝堂。並賜安和於衆讚頌爾者。二次

祈至聖母救我等

至潔聖女係至榮之聖物及聖祭者。今居於上帝堂。而依我等上帝主宰定命自備為其聖居處。

祈至聖母救我等

至潔者歟。昔啞哈利亞觀爾靈之美好。秉信籲曰。爾乃我等之救援。爾乃衆人之喜樂。爾乃我等之復位。藉爾不可至者。而我等克至之。

祈至聖母救我等

至潔者歟。爾奇蹟何其難測。聖聘女者爾聖誕。何其妙。爾生長亦為奇妙。在爾一切乃皆奇異。榮光人所莫喻者。

祈至聖母救我等

至潔至榮聖母聖聘女者。爾如檠上之多燭。今耀於主堂。而以爾奇蹟尊恩慈光照我等。

又首詞

我等上帝合利斯托斯愛人主宰歟。求以爾永在之光。光照我等。

自早思念爾誠命者。二次

祈至聖母救我等。

我衆聚集為讚榮聖母之正教者。宜由靈發光因其今被獻於主如喜悅之祭。

祈至聖母救我等。

宰后歟。今諸祖父宜快樂。生爾者偕爾父宜喜悅。因其胎果被獻於主。

祈至聖母救我等。

我衆秉信慶賀者。宜讚揚著名至榮無玷之童女。因其以人體生上帝之童子。

祈至聖母救我等。

至潔聖女歟。爾今在上帝堂聘定於聖神之事。為爾超人明悟生

產上帝之預兆。

祈至聖母救我等。

願我等上帝聖榮之門被啟。而受納不識婚之聖母。係至潔三齡之童女。

祈至聖母救我等。

我衆宜讚頌覆蔭之山。係為上帝母至潔之永貞女。蓋伊以光光照地涯。

榮光云云

我衆宜承認無原永在不相離同尊榮三位一體之上帝。且叩拜之。

自今云云

聖母歟。我衆以爾代祈。為遇災難時可倚之停泊。不可敗之城垣。

而藉之得免一切危難憂愁。

合頌詞

耶平之上帝仁慈之父。遣向我等已宏旨之使。賜平安於我等。故我等趨至識上帝之光。由中宵早寤讚頌爾愛人者。一章且歌頌之六

首詞

慶拜上帝母至聖至尊之禮期。請衆懷念上帝者至。拍掌及讚榮由伊所生之上帝。二次

祈至聖母救我等

以一言全宰者。聆義德者之祈禱。免伊等荒胎之疾。且係愛人者。賜伊等喜樂之緣。

祈至聖母救我等

主欲以拯救指示諸民。由人領納不識婚者為和睦及復新之質據。

福。至潔者歟。爾為包涵莫測料理寶器聖寵之堂。在聖堂獲常生之

聖聘女歟。聖堂容受爾如君之華冠而獲光照。並見先知預言應驗於爾。因自備迎接全能者。

我效先知伊鄂納籲曰。求至善者。免我生命於朽壞。求救世者救我呼籲者曰。榮光於爾。二次

祈至聖母救我等

我衆誠信者。宜慶賀神靈之禮期。以虔誠歌頌聖母。因其聖德超諸天神。

禱至聖母救我等。

我衆誠信者。宜以歌頌讚美寵光之母。因其今往上帝堂顯現於我等。

無疵牝羔及潔淨雌鴿。被導引居於上帝堂。因無玷者預定為上帝之母。

禱至聖母救我等。

上帝之臺。天上之幕。今入屬法律之堂。而由之發光之光。光照在黑暗者。

禱至聖母救我等。

聖牘按肉體為嬰。按靈魂為成人。入上帝之堂。為享受上帝之聖寵。

禱至聖母救我等。

滿被讚揚上帝合利斯托斯之母。求以爾代祈。免我等投歸爾者之靈一切誘惑及危險。

榮光云

聖父及子及正神不相離三位一體之聖。矜憐我等叩拜爾全能上帝者。

自今云

至潔聖女歟。不可容者容於爾胎。且有二性。係真上帝又係真人。由爾而出。

合頌詞

海獸由腹與吞時無異。而吐伊鄂納如嬰。今聖言居童貞內。藉人體出而弗礙。童貞緣已不朽。亦護母弗致損。

小聯禱

副讚詞第四調

救世者之潔堂。至貴之宮。童貞女。上帝榮福之聖寶藏。今被導至聖堂。而受聖神之恩寵庇蔭。上帝之諸天神歌頌之曰。此乃天之居處。

行述讚

我見上帝不可測聖機密之聖寵彰顯成全在聖女而歡喜。第難明此奇妙莫測之法。何以至潔者超諸有形無形之物而獨被選。故我願讚美之以意以言不勝驚懼。僅毅然宣揚稱頌之曰。此乃天之居處。

首詞

懷念上帝者。弗事奉形物以代造物者。乃勇踐火燄而喜頌曰。滿被讚揚之主。我等祖父之上帝。爾實為讚揚者。二次 祈至聖母救我等。

今春光明媚。即聖母之禮期。發光徧普世。而以聖寵光耀我等之靈意明悟。故我衆即今當以奧秘受享之。三次 祈至聖母救我等。

今天地諸品天神人間之會。均應以合上帝所宜之尊榮歸於聖母宰后。且籲曰。我等喜樂及拯救者被導至聖堂。四次 祈至聖母救我等。

滿被讚揚至潔童貞聖母歟。爾進堂時法律已逝如影消散。而聖

寵之光。輝煌於上帝堂內。

祈至聖母救我等

至潔者歟。天地及地獄皆順聽爾所生之造物主。而眾口承認救我等靈之主已顯現矣。

又首詞

救世者歟。昔火窑降清露。而諸幼童以慶幸歌頌曰。我等祖父之上帝。爾係被讚揚者。二次

祈至聖母救我等

我衆喜慶賀者。今宜慶賀讚頌至潔宰后。並讚美伊鄂阿乞木及按納。

祈至聖母救我等

請被聖神所感動之達微德預言曰。從後之童女。引於爾面前。伊

諸品天神曾歡喜。諸義德者之靈曾稱快。因聖母被導入聖所。

祈至聖母救我等

等被引而入於聖母宰后之殿。祈至聖母救我等

諸品天神曾歡喜。諸義德者之靈曾稱快。因聖母被導入聖所。

祈至聖母救我等

按人體論為上帝合利斯托斯之母。因領受天糧。漸漸生長智慧及聖寵。祈至聖母救我等

無玷之瑪利亞。如聖器居於上帝堂。而靈形愉快。

祈至聖母救我等

至潔者歟。爾義德之二親。導爾入堂之內。為受奇妙養育。以為上帝合利斯托斯之居處。

榮光云

我衆宜讚揚不相離之聖三。應稱頌聖父聖言及至聖神係獨一上帝。

至潔自今云。求聖母代祈爾所生本性懷慈之主。拯救諸歌頌爾者之靈。

涵養虔誠之幼童。輕視違理之狂命。弗懼火之猛烈。乃立於燄中而歌頌曰。我等祖父之上帝。係被讚揚者。

首詞

至潔童貞宜聽。今憂烏利伊泐欲傳至上者原始之真諭。爾當備納上帝。因不克容載之主。欲偕有死者同居。故我欣忭而籲曰。主所造之物應讚揚主。二次

昔按納以至潔之堂。導入上帝之堂。東信向司祭籲曰。請今受納上帝所予我之女。導之至造爾主之堂。而以快樂歌頌主曰。主所造之物應讚揚主。

祈至聖母救我等

哩哈利亞見之被聖神所感。向按納曰。爾導真生命之母。上帝之諸先知明明預言之為上帝母。此堂何能容納之。故我以詫異籲曰。主所造之物應讚揚主。

祈至聖母救我等

按納對之曰。我乃上帝之婢。求爾以誠信以祈禱受納我此疾病之胎果。將我所生者引至于我者之前。故我高聲籲曰。主所造之物應讚揚主。

司祭對之曰。此乃誠為合法律之事。第我觀被導至上帝堂者。以聖寵奇妙較勝於聖所而驚異之。故歡暢籲曰。主所造之物應讚揚主。

祈至聖母救我等

按納對之曰。我恆爾言而鼓舞。因爾以聖女所明言者皆感悟於聖神矣。故領納至潔者入於造爾主之堂。而欣喜歌頌曰。主所造之物應讚揚主。

祈至聖母救我等

司祭高聲曰。施光之燭光照於我等。以鴻禧輝耀於堂中。願諸先知之靈。觀今上帝堂內之妙蹟。偕我等歡欣而永籲曰。主所造之物應讚揚主。

祈至聖母救我等

天神及諸天軍所懼之造物主。衆司祭宜歌頌。幼童等宜讚揚。眾人宜讚美及稱頌之於無窮世。二次

祈至聖母救我等

伊鄂阿乞木今快樂。無玷之按納緣許願所獲之聖女。獻於主上帝為祭祀。

祈至聖母救我等

聖達微德及耶些宜受讚美。伊屋達宜受讚揚。蓋由伊等之根結果。即至潔聖女。而諸世前之主由伊降生。

祈至聖母救我等

瑪利亞係至潔賦靈之幕。今被導至上帝之堂。而啞哈利亞親手接納如主所成聖之寶藏。

我衆誠信者。宜讚榮被司祭手所降福者之真童貞上帝聖母。因其為施救之門。無形之山賦靈之梯。

祈至聖母救我等

請諸先知。合利斯托斯之宗徒及致命者。諸品天神及大眾以歌頌讚美至潔聖女。係至 上者滿被讚揚之母。

祈至聖母救我等

至潔無玷者歟。爾賢親導爾如潔祭至聖堂。而爾以奇妙居於不可至上帝之聖所。為自備為聖言之居處。

我等讚榮主聖父及子及聖神

願不相離一體聖三者。掌萬物獨一上帝聖父及子及聖神受讚揚於無窮世。

自今云
無原始之聖言有原始。因順己旨以人體由童貞降生。為真上帝又為真人。而緣其極大仁慈復新我等昔為墮落者。我等讚美頌揚叩拜主。歌頌稱揚之於諸世。

合頌詞

施露之火窯。係超性奇蹟之預像。緣其弗焚燬在其中之幼童等。今上帝性之火。降於童貞腹。而弗焚灼之亦如此。故我等歌頌之曰。萬物應讚揚主。及讚美之於世世。

歌頌之九

諸天神覩至潔之入而奇異。何以童貞女而入至聖所。

非神品者之手。弗敢觸誠約之靈筭。乃誠信者之口。向聖母永弗

緘默。頌天神所歌之詞而喜。籲曰。至潔童貞。爾誠超邁於萬物之上。

諸天神覩至潔之入而奇異。何以威榮而入至聖所。自上滿被上帝聖寵至潔聖母歟。因爾靈之清潔極其輝煌。爾以永在之光不絕光照以喜樂。籲者曰。至潔童貞。爾誠超邁於萬物之上。

諸天神覩至潔之入而奇異。何以至榮而入至聖所。至潔聖母歟。在爾所成之奇蹟言語不能形容之。我以爾體為不可測。不麗於罪汚。故感謝爾而籲曰。至潔童貞。爾誠超邁於萬物之上。

諸天神及衆人應讚美童貞女之入。因伊以威榮入至聖所。至潔者歟。法律以奇妙預像爾為幕。為上帝之尊。為奇妙之聖牘。

為幔。為杖。為不可毀之堂。為上帝之門。故法律訓我等向爾籲曰。至潔童貞。爾誠超邁於萬物之上。

諸天神覩至潔之入而奇異。何以依上帝所悅者而入至聖所。

達微德以聖詠預讚揚爾。因德輝美善。稱爾為君之女。及預見爾服彩服立於上帝之右。故擬先知而籲曰。至潔童貞。爾誠超邁於萬物之上。

諸天神偕諸聖宜慶賀。諸處女偕我等宜快樂。因聖童貞女入至聖所。

莎羅孟預見爾將領受上帝。稱爾為君之榻。為生活印封之泉。而由此泉潔水流於我儕。籲者曰。至潔童貞。爾誠超邁於萬物之上。諸天神及衆人宜歌頌讚美童貞女。因伊合上帝所宜入至

聖所。

聖母歟。爾以安和恩賜賚我靈。以生命流於敬爾者。親轉達保護之。並教訓伊等向爾籲曰。至潔童貞。爾誠超邁於萬物之上。

又首詞

我靈宜讚頌被導至主堂。及被司祭手所降福者。我眾宜讚頌我等上帝至潔之母為施光之雲。藉之萬物之主。如雨降於羊皮。降世為我等受人體。而無原始者乃始為人。二次我靈宜讚頌被導至主堂。及被司祭手所降福者。

由義德伊鄂阿乞木及按納生許願之果。係聖童貞女瑪利亞。伊於幼稚時為上帝之啟香。被導入聖堂。因係聖者而居於至聖所。

我靈宜讚頌被導至主堂。及被司祭手所降福者。我眾宜以歌頌讚美以本性為嬰及超性為上帝母者。蓋伊今被

導入屬法律之堂。為上帝之啟香。為義德者神靈之果。

我靈宜讚頌被導至主堂。及被司祭手所降福者。

我眾誠信者。宜偕天神向聖母籲曰。慶哉。慶哉極美聖聘者。慶哉光雲。由之主發光於我等坐於無知之黑暗者。慶哉眾人之冀望。

我靈宜讚頌被導至主堂。及被司祭手所降福者。

超諸聖之聖。聖母瑪利亞。求至潔者。藉爾代祈。免我等秉信叩拜爾聖容者。於魔之網罟諸異端及憂愁。

我靈宜讚頌被導至主堂。及被司祭手所降福者。

萬物偕天神。憂烏利伊泐。以如量歌頌獻於聖母而籲曰。慶哉至

無玷上帝之母。藉爾我眾獲免古詛而得常生。

我靈宜讚頌被導至主堂。及被司祭手所降福者。

聖女爾為越諸叶魯微木而尊。逾諸些拉肥木而尚。較天寬宏。因

以不可容者而容於爾腹。及以不可測生我等上帝。求熱心代我等祈之。

我靈宜讚頌三位不相離上帝之權。

我衆宜讚榮三位一體上帝不相離之威榮。乃於天於地永享讚美不相離之聖三。並虔誠叩拜聖父及子及聖神。

我靈宜讚頌較天軍尊榮至潔童貞聖母。

求童貞聖母代祈爾子。為伊係上帝及普世之主。免我等秉信歸爾仁慈以虔誠叩拜爾者於朽禍及諸誘惑。

合 頌詞

我現瞻極奇異。不可測之機密。岩穴為天。童貞為叶魯微木之寶座。櫪藏載不可載之上帝合利斯托斯。我等歌頌讚美之。

小聯禱

光耀之詞

我衆宜秉信讚美聖童貞女瑪利亞。昔被先知之會所預言為金樽。為杖。為石板。為弗鑿之山者。因其今被導入至聖所。為獻於主。

榮光

云 同上

自今

云 同上

凡有呼吸者宜讚揚主

云

讚詞第一調

聖詠一句因其全能讚美之。因其宏威讚美之。

諸童女執燭以光華隨從永童貞。以神靈真實言未來之事。因聖母自為上帝堂。偕青年童貞榮福被導至聖堂。

又一句以角聲讚美。以琴以瑟讚美。

超逾諸物之聖母。誠為聖許願之尊果。而顯於普世。今以虔誠被

導入上帝之堂。被聖神所護衛者。成其父母之誓願。
又一句以鼓及佾讚美。以絃及笙笛讚美。

聖女歟。爾在主堂以真天糧被養育。以生命糧即聖言生於普世。
因爾係至無玷。被選之堂。乃上帝聖父之聖聘者。藉聖神以奧祕
先聘定於聖言。

又一句以和聲之銳讚美。以大聲之饒讚美。凡有呼吸者宜讚揚
願承受上帝之門被啟。蓋伊鄂阿乞木今以萬物主宰之堂及寶
座以榮華入於聖堂內。以被選為上帝之母而獻於主。

榮光云云。自今云云。因其今聖事。今至聖所。請衆效天神向爾願曰。
無玷童貞女。今被導至聖堂。為上帝育我生命萬民主宰之居所。

今至潔聖物。以三歲童女被進於至聖所。請衆效天神向爾願曰。
慶哉女中獨一為讚美者。

唱大頌詠

小讚詞第四調

今上帝恩澤預顯。且傳世人之救贖。聖女顯現於上帝堂。並向衆
預傳合利斯托斯。我等向伊朗頌曰。慶哉。於爾完全造物主之司
理。

誦聯禱及發放詞

聖體血禮儀

真福九端

吾主於爾國憐念我等

福哉虛心者因天國屬伊等

福哉哀慟者因伊等將受慰。

福哉溫柔者因伊等將得地。

福哉饑渴於義者因伊等將得飽飲。

福哉哀矜者因伊等將見哀矜。

今聖堂為至美聖聘女之寶藏及童貞女之宮。因領受至潔無玷

光超萬物賦靈上帝之殿。

福哉心淨者因伊等將得見上帝。

達微德以唱歌偕我等快樂慶賀及稱爾至潔者為衣彩衣之宰

后顯現於聖堂上帝主宰面前。

后顯現於聖堂上帝主宰面前。

福哉行安和者因伊等將稱為上帝子。

今被導入上帝堂之聖母殿昔因婦而露衆人罪之端今藉女萌
救贖及常生。

福哉以義之故被窘逐者因天國屬伊等。

至潔者歟天神軍及衆會喜悅而今持燭於爾面導引宣揚爾在
上帝室之位。

福哉有時人將詛言爾窘逐爾言諸惡語誣賴爾因我之故
我衆誠信者宜慶賀神靈之禮期以虔誠歌頌聖母因其聖德超
諸天神。

歡喜快樂哉因爾等之賞賜於天乃大。

我衆誠信者宜以歌頌讚美寵光之母因其今往上帝堂顯現於

我等。

榮光

云

聖父及子及正神不相離三位一體之聖三。矜憐我等叩拜爾全能上帝者。

自今

云

至潔聖女歟。不可容者容於爾胎。且有二性。係真上帝。又係真人。由爾而出。

小入

請衆叩拜俯伏合利斯托斯前。藉聖母祈禱。上帝子救我等向爾歌頌之人曰。阿利魯伊亞。

小讚詞

第四調

今上帝恩澤預顯。且傳世人之救贖。聖女顯現於上帝堂。並向衆

預傳合利斯托斯。我等向伊朗頌曰。慶哉於爾完全造物主之司理。

榮光

云

副讚詞

第四調

救世者之潔堂。至貴之宮。童貞女。上帝榮福之聖寶藏。今被導至聖堂。而受聖神恩寵之庇廕。上帝之諸天神歌頌之曰。此乃天之居處。

聖三祝文

提綱第三調

我靈惟感頌主。我心惟悅上帝。救我者。又一句因其垂顧婢之卑微。今後諸代必將稱我為福。

誦宗徒範章泐達耶烏雷

人書

弟兄乎。前約詔有奉事之條例。既屬地之聖所。其中設有前幃。內列繁案及陳設餅。稱為聖所。內幔之後。又有後幃。稱為至聖所。內有金鼎。包金約詔檻。藏盛瞞納之金樽。與阿阿隆之萌蕊杖。約詔石板檻上。有榮光之叶魯微木。覆翼蠲潔。然今不必詳言此。器物既備如斯。諸司祭每入前幃。以盡奉事之禮。至後幃。惟司祭首每歲僅一次入之。並非不帶血。為己及民之愆所獻者。

阿利魯伊亞 第八調

處女歟。爾當聽之觀之。側爾之耳。又一句民中之殷富者。將祈於爾面。

誦魯喀福音經

當時。伊伊蘇斯入一村。彼有婦名瑪兒發。迎之至己家。其妹瑪利亞坐於伊伊蘇斯足下。聽其道。瑪兒發為備奉事而心擾。就之曰。

主歟。爾不為意乎。我妹聽我一人奉事。請命。彼助我。伊伊蘇斯曰。瑪兒發歟。瑪兒發歟。爾思慮憧擾。係為多端。然所需者惟一。至瑪利亞已擇不可奪之善業矣。言此時。衆中有一婦揚聲曰。妊爾之腹。哺爾之乳。誠為福。伊伊蘇斯語之曰。聽上帝道。而守之者。誠為福。

代誠應讚揚爾之讚詞

諸天神覩至潔之人而奇異。何以童貞女而入至聖所。非神品者之手。弗敢觸誠。約之靈筭。乃誠信者之口。向聖母永弗緘默。頌天神所歌之詞而喜。願曰。至潔童貞。爾誠超邁於萬物之上。

領聖體血之詞

我將以拯救之爵。願求主之名。阿利魯伊亞。三次

若此禮期適值主日其規禮俱見聖母聖誕
此禮期慶賀五日